


კავკასიის ეკონომიკის ყოველთვიური
მიმოხილვა

სექტემბერი 2025





2023 წელს კავკასიის ეკონომიკის ზრდა 4.4% იყო. 2023 წელს ზრდის ტემპის შენელება, რუსეთიდან ადამიანური და ფინანსური კაპიტალის ნაკადების შემცირებასა და ნავთობის შეღარებით დაბალ ფასებს უკავშირდებოდა. 2024 წელს ზრდა 6.6%-მდე აჩქარდა, რაც დიდწილად მონეტარული შემსუბუქების შედეგია. 2025 წლიდან ზრდის ტემპი ისევ შენელდა. იანვარ-ივლისში კავკასიის ეკონომიკა 4.3%-ით გაიზარდა.


✚ 2024 წელს საქართველოს ეკონომიკა 9.5%-ით გაიზარდა. მიმდინარე წლის იანვარ-ივლისში ეკონომიკა 8%-ით გაფართოვდა. ზრდაში მნიშვნელოვანი წვლილი ტრანსპორტის, ვაჭრობის, ტელეკომუნიკაციების, ხელოვნების, გართობის და დასვენების სექტორებმა შეიტანა. კლება დაფიქსირდა მრეწველობის და მშენებლობის დარგებში.

🇧🇪 2024 წელს სომხეთის ეკონომიკა 8%-ით გაიზარდა. მიმდინარე წლის იანვარ-ივლისში ეკონომიკა 7%-ით გაფართოვდა. სომხეთის ეკონომიკურ ზრდაში განსაკუთრებულ როლს სავაჭრო სექტორი თამაშობს, რომელმაც ამ პერიოდში 3.9%-ით მოიმატა, სამშენებლო დარგმა კი - 20.2% -ით. მომსახურებაში გამოშვება კი 10.6%-ით გაფართოვდა.

🇦🇲 2024 წელს აზერბაიჯანის ეკონომიკა 4.1%-ით გაფართოვდა. მიმდინარე წლის იანვარ-აგვისტოში ეკონომიკა 0.9%-ით გაიზარდა. აზერბაიჯანის ეკონომიკის 30.8%-ს ნავთობისა და გაზის ინდუსტრია იკავებს. ამ ინდუსტრიის გარეშე, ზრდის ტემპმა 3.1% შეადგინა. სოფლის მეურნეობა კი 0.8%-ით გაფართოვდა.



ინფლაცია და მონეტარული პოლიტიკა



ინფლაციის მაჩვენებელი კავკასიის რეგიონში, ძირითადად, ეკონომიკური ზრდის ტენდენციებს იმეორებს. საუკეთესო მდგომარეობა სომხეთშია, ხოლო ფასების დონის ზრდის შედარებით მაღალი მაჩვენებელი აზერბაიჯანში დაფიქსირდა.

✚ 2024 წელს საქართველოში ინფლაციის ტემპი, წინა წელთან შედარებით, შემცირდა. 2025 წლის აგვისტოში სამომხმარებლო ფასების წლიურმა ზრდამ 4.6% შეადგინა. აგვისტოს ინფლაციაში მაღალი წვლილი სურსათის და უაღკოპოლო სასმელების ფასებმა შეიტანა, რომელიც 10% -ით გაიზარდა. თუმცა, რიგ სექტორებში ფასების კლება დაფიქსირდა, მათ შორის, ტანსაცმელისა და ფეხსაცმელის ფასები ყველაზე მეტით, 2.9%-ით შემცირდა. ამ ფონზე, ცენტრალურმა ბანკმა, ბოლო გადაწყვეტილებით, რეფინანსირების განაკვეთი 8%-ზე შეინარჩუნა.

🇦🇲 წარსულში, რეგიონში ფასების დინამიკით სომხეთი გამოირჩეოდა. 2025 წლის აგვისტოში სამომხმარებლო ფასების წლიური ზრდა 3.6% იყო. ყველაზე მაღალი, 7.8%-იანი ზრდა განათლების სექტორში დაფიქსირდა, ხოლო ფასები უცვლელი იყო ტელეკომუნიკაციის სერვისში. სომხეთის ცენტრალურმა ბანკმა მონეტარული პოლიტიკის შემსუბუქება 2023 წელს დაიწყო. ბოლო გადაწყვეტილებით, რეფინანსირების განაკვეთი 6.75%-ზე შენარჩუნდა.

🇦🇷 აზერბაიჯანში ინფლაცია შენეულა. 2025 წლის აგვისტოში სამომხმარებლო ფასების წლიურმა ზრდამ 4.9% შეადგინა. ივლისში ეს ნიშნული 5% იყო. აზერბაიჯანი რეგიონში შედარებით მაღალი ინფლაციით წინა პერიოდებში გამოირჩეოდა. მიუხედავად ამისა, აზერბაიჯანის ცენტრალური ბანკი პოლიტიკის გამკაცრებისგან თავს იკავებდა. სექტემბერში მიღებული გადაწყვეტილებით, პოლიტიკის განაკვეთი 7%-მდე შემცირდა.